

教育部人文社會科學重點研究基地重大項目《巴蜀文獻集成》

〔清〕劉沅 著

槐軒全書

六

（增補本）

教育部省屬高校人文社會科學重點研究基地

四川師範大學巴蜀文化研究中心
四川師範大學文學院

學術叢書

〔清〕劉沅 著

槐軒全書

六

玄孫奇晉恭署



四川出版集團 巴蜀書社

图书在版编目(CIP)数据

槐轩全书. 6 / (清)刘沅著. —成都:巴蜀书社,
2006
ISBN 7-80659-858-8

I. 槐… II. 刘… III. 刘沅(1768~1855) - 哲
学思想 - 文集 IV. B249.9-53

中国版本图书馆 CIP 数据核字(2006)第 049312 号

槐轩全书(6)

清·刘沅 著

策划编辑	施 维
责任编辑	胡新农 况正兵 施 维
装帧设计	任兆祥
出 版	四川出版集团巴蜀书社 成都市槐树街2号 邮编 610031 总编室电话:(028)86259397
网 址	www.bsbook.com
发 行	巴蜀书社 发行科电话:(028)86259422 86259423
经 销	新华书店
印 刷	成都东江印务有限公司
版 本	2006 年 9 月第 1 版
版 次	2006 年 9 月第 1 次印刷
成品尺寸	290mm × 210mm
印 张	25.25
字 数	4000 千字
书 号	ISBN 7-80659-858-8/B·155
定 价	3500.00 元(全套)

本书如有印装质量问题,请与工厂调换

周官恒解卷四

周官恆解卷四

雙流劉沅輯

夏官司馬序官

惟王建國辨方正位體國經野設官分職以爲民極乃立夏官司馬使帥其屬而掌邦政以佐王平邦國

夏於時爲火於卦爲離離爲甲冑爲戈兵取威明之義故以司馬爲夏官主兵兵官而曰馬者古以車戰軍政莫重於馬也凡國事皆政而獨於司馬言邦政者正其不正之名平其爭也

政官之屬大司馬卿一人小司馬中大夫二人軍司馬下大夫四人輿司馬上士八人行司馬中士十有

六人旅下士三十有二人府六人史十有六人胥三

周官恆解

卷四 夏官序官

一 西充鮮于氏特園藏

十有二人徒三百有二十人行戶郎反

軍司馬統治一軍之政令以贊大司馬輿司馬掌車行司馬掌徒史胥徒獨多於四官者軍事尙嚴特須監察故也此皆平日蒐狩講武卽敎以聲控馳驟之節步伐止齊之法由畿甸以暨於侯國皆然非待臨時而始爲之

凡制軍萬有二千五百人爲軍王六軍大國三軍次

國二軍小國一軍軍將皆命卿二千有五百人爲師

帥帥皆中大夫五百人爲旅旅帥皆下大夫百人爲

卒卒長皆上士二十五人爲兩兩司馬皆中士五人

爲伍伍皆有長

將子匠反帥所類反長知丈反

按田賦出車之法天子千乘爲方百里者百常具十萬乘之數而王不過六軍蓋僅車千乘也司徒

平日養教無不訓以武畧而大司馬臨時調發僅百分之一蓋選其智勇精要者以行諸侯以是而推軍將不特置選於六官六卿之史自卿以下有才德者爲之師旅皆眾也卒萃也兩兩之伍伍之一軍則二府六史胥十人徒百人

凡行軍時每軍置府史胥徒如此平時無之

司勳上士二人下士四人府二人史四人胥二人徒二十人

鄭氏眾曰勳功也此官主功賞

馬質中士二人府一人史二人賈四人徒八人

鄭氏康成曰質平也主賈馬平其大小之價馬於戎馬之事爲多故掌於司馬

量人下士二人府一人史四人徒八人量音良

周官恆解

卷四 夏官序官

二 西充鮮于氏特園藏

量度也以丈尺度地朝舍州涂軍社及營壘皆是

小子下士二人史一人徒八人羊人下士二人史一

人賈二人徒八人賈音價

其所職皆小事故以小子名官羊人共羊而已其斬牲等事皆小子故羊人次小子

司燿下士二人徒六人燿古喚反

燿民間理爨之私火也

掌固上士二人下士八人府二人史四人胥四人徒

四十人司險中士二人下士四人史二人徒四十人

固國所依以爲固者城郭溝渠之屬皆是險四方阨塞要害之地所當防據者險固可分言亦可通言

掌疆中士八人史四人胥十有六人徒百有六十人

疆界也掌之以正封守禁侵奪

候人上士六人下士十有六人史六人徒百有二十人

御案主境上候望而有方治來人亦迎之送之若大賓客自有掌訝與訝士迎送

環人下士六人史二人徒十有一人

掌巡察軍中之事與秋官環人異

挈壺氏下士六人史二人徒十有二人

挈壺持也壺盛水器世主挈壺水以爲漏軍行必載行漏故隸夏官

射人下大夫二人上士四人下士八人府二人史四

周官恆解

卷四 夏官序官

三 西充鮮于氏特園藏

人胥二人徒二十人

射以觀德而武事尤重故隸此

服不氏下士一人徒四人射鳥氏下士一人徒四人

羅氏下士一人徒八人掌畜下士二人史二人胥二

人徒二十人

射常亦反爲射人取矢羅氏以羅罔搏鳥者畜斂而養之

司士下大夫二人中士六人下士十有二人府二人

史四人胥四人徒四十人

御案司士隸夏官以司馬論辨官材習察其人然後用之當也

諸子下大夫二人中士四人府二人史二人胥二人

徒二十人

諸子別於適子之稱適子入成均其餘皆掌於諸子

司右上士二人下士四人府四人史四人胥八人徒八十人

右在玉車右執干戈以衛王

虎賁氏下大夫二人中士十有二人府二人史八人

胥八十人虎士八百人旅賁氏中士二人下士十有

六人史二人徒八人

虎賁氏掌先後王而趨以卒伍其趨者虎士也勇而有志行者外更設旅賁氏夾王車而趨強力而

言旅見其眾

周官恆解

卷四 夏官序官

四 西充鮮于氏特園藏

節服氏下士八人徒四人

御案春官司服辨用事以共其物而已此職常侍王凡登車下車易服弛服之節及風雨寒溫皆

在視而得其宜所以謹儀法而王躬是保

方相氏狂夫四人

疫癘之來莫知其方方相者揣其方而相其彷彿也

大僕下大夫二人小臣上士四人祭僕中士六人御

僕下士十有二人府二人史四人胥二人徒二十人

鄭康成曰僕侍御於尊者之名大僕其長也

隸僕下士二人府二人史二人胥四人徒四十人

御案凡國中勞辱之士皆罪隸共之五寢之婦除糞洒不可使盜賊之子故以徒代隸而因以隸

名官愚按隸於王非賤也以爲賤者非

弁師下士二人工四人史二人徒四人弁皮

王氏應電曰弁首服之次於冕者自天子而下皆用之冕則不常服故冕雖尊而獨以弁稱

司甲下大夫二人中士八人府四人史八人胥八人

徒八十人司兵中士四人府二人史四人胥二人徒

二十人司戈盾下士二人府一人史二人徒四人司

弓矢下大夫二人中士八人府四人史八人胥八人

徒八十人

甲鎧也古以皮今以金成難藏亦不易故官多司兵統管兵器司戈盾授王侍衛之戈盾弓矢用廣故設官同於司兵

周官恆解

卷四 夏官序官

五 西充鮮于氏特園藏

繕人上士二人下士四人府一人史二人胥二人徒

二十人橐人中士四人府二人史四人胥二人徒二

十人橐古老反

繕善也修治之使善也簡幹曰橐繕人橐人專治弓矢以弓矢之用多且五兵王不親執射則王時有事故設官以掌其事而勸懲之也

戎右中大夫二人上士二人齊右下大夫二人道右

上士二人齊側皆反下同

戎右王卽戎而參乘也必久更戎事智勇過人始可爲衛齊右充玉路金路之右散賓如齊也道右充象路之右每日常視朝爲車右

大馭中大夫二人戎僕中大夫二人齊僕下大夫二

人道僕上士十有二人田僕上士十有二人馭夫中士二十人下士四十人

馭馭車僕侍御也二官皆中大夫者王親臨軍馭者僕者安危所繫必慎簡其人不取之於羣僕也齊僕以下則次矣田僕備王四時田獵兼園囿取鮮獸之事馭夫駕馭馬者

校人中大夫二人上士四人下士十有六人府四人

史八人胥八人徒八十人趣馬下士卓一人徒四人

巫馬下士二人醫四人府一人史二人賈二人徒二

十人牧師下士四人胥四人徒四十人廋人下士閑

二人史二人徒二十人圉師乘一人徒二人圉人良

馬匹一人駑馬麗一人校戶敎反趣七口反阜才早反賈音價廋所求反圉疑呂

周官恆解

卷四 夏官序官

六 西充鮮于氏特園藏

反乘繩證反駑音奴麗卽計反

周制田賦出車以備戰陣馬政最重故多官以司之校校其數趣養馬者巫知馬崇醫知馬病牧放馬而養之廋爲隱藏之義收馬於廐必使無風霜寒熱失宜等弊圉師掌敎養馬之事蓋賞罰之良善也麗耦也

職方氏中大夫四人下大夫八人中士十有六人府

四人史十有六人胥十有六人徒百有六十人

職主也主四方職貢官之長天下人民貢賦之事繁故官尊而人多

土方氏上士五人下士十人府二人史五人胥五人

徒五十人懷方氏中士八人府四人史四人胥四人

徒四十人合方氏中士八人府四人史四人胥四人

徒四十人訓方氏中士四人府四人史四人胥四人

徒四十人形方氏中士四人府四人史四人徒四十

人山師中士二人下士四人府二人史四人胥四人

徒四十人川師中士二人下士四人府二人史四人

胥四人徒四十人邊師中士四人下士八人府四人

史八人胥八人徒八十人遼音

土方氏主四方邦國之土地其地而制其域懷懷來之合而而之訓道而教之形悉其形體山師主山中職貢川師主川邊師主原野以上所從皆司徒之事而屬司馬者五等之國及附庸皆有閒田名山大澤不以封諸侯之制地者視其地之所屬分隸於職方等官其職貢隨時隨地不無損益王者統壹四海仁以育民威以肅下屬之司馬予奪賞罰由天子下不得而干也

周官恆解 卷四 夏官序官 七 西充鮮于氏特園藏

匡人中士四人史四人徒八人人中士四人史四

人徒八人他南反

天子以法則施於天下而或有亂之者則匡人稽覈之擇人以王意語天下使知王旨此皆掌籍之官察其事而詔司馬以告王者也

都司馬每都上士二人中士四人下士八人府二人

史八人胥八人徒八十人司馬各使其臣以正于

公司馬

都王子弟所封及三公采地家卿大夫采地公司馬國司馬也此皆王自以臣爲司馬遙掌其事其臣乃其自有之家臣公司馬卽指都司馬

周官恆解卷四

雙流劉 沅輯註

夏官司馬

大司馬之職掌建邦國之九灋以佐王平邦國

御案大宰建六典司徒建地圖宗伯建三禮司寇建三典皆曰邦獨此言邦國者四官所建皆王國之典而侯國兼用之九法專爲侯國設也

制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小事大以和邦國畿音祈監古銜反詰去吉反鄉如字比毗

周官恆解 卷四 夏官 一 西充鮮于氏特園藏

反至

封立封於疆爲界凡守土者各有疆界毋許侵越所以正之也儀宮室車服之屬位尊卑上下之位辨別也別其等則不上陵下偪興猶舉也作起也見於德行曰賢見於事業曰功進其爵舉其人使起其爲善立功之心建牧立監與大宰職同蓋建之立之或廢或置大司馬必參賞罰之柄也維固結之詰窮治也糾猶正也制軍法以糾正姦暴貢職各視其國之大小尊卑王巡狩征伐施之分之不同皆令任其事以肅王章簡比數之稽計也平日簡其強弱稽其眾寡然後眾可用言鄉民者卽六鄉以概諸侯也守土者地之廣狹爵之尊卑不同而所以優之者同則謂一切法度此卽孔子所謂懷諸侯之事也內該無數禮意故曰安也比親也使大國親小國小國事大國相和合按此九法與大宰地官天官等相爲出入而獨言大司馬建之者養教之法既備禮樂之事已詳而有不率教者黜罰之權統於司馬威天下使歸於中和非攝天下使効其奔走所謂仁育必當義正也

以九伐之瀆正邦國馮弱犯寡則眚之賊賢害民則伐之暴內陵外則壇之野荒民散則削之負固不服則侵之賊殺其親則正之放弑其君則殘之犯令陵政則杜之外內亂鳥獸行則滅之

壇鄭讀作譚音善行下孟反

伐聲其罪以討之也馮猶乘陵也眚損也謂貶爵削祿薄其恩禮賢與民國之本而賊之害之故必伐之暴內陵外荒淫於家苛虐於民壇之置之空

治民先制其地以警不悛則必廢之可知矣負恃也固險固也負固不服必險遠之國命方伯連帥潛師以侵之親兄弟之屬正之者審其罪之輕重而罪之放弑罪惡極矣殘焚磔之令王命政王章杜禁錮之也人倫之道自上倡之乃外內亂鳥獸行無人道矣滅之誅其人絕其國也

正月之吉始和布政于邦國都鄙乃縣政象之瀆于

象魏使萬民觀政象挾日而斂之

縣音懸挾子協反

乃以九畿之籍施邦國之政職方千里曰國畿其外

方五百里曰侯畿又其外方五百里曰甸畿又其外

方五百里曰男畿又其外方五百里曰采畿又其外

方五百里曰衛畿又其外方五百里曰蠻畿又其外

方五百里曰夷畿又其外方五百里曰鎮畿又其外

方五百里曰蕃畿

畿限也九畿亦謂九服畿言其有界畫服言其服王事籍書也政職司馬政典所當奉行者也國天子國內侯侯也去天子近為天子守候甸田也去天子稍遠為天子治田賦男者任也去天子漸遠然

亦任天子之事采事也去天子益遠然莫非分理天子之事衛近邊疆為天子守衛蠻獫狁以近夷狄廩繫之以政教自此以上六服是中國之九州自此以外是夷狄之諸侯夷者以夷狄而得稱鎮守蕃為屏藩也按王者代天理物設官分職無非欲天下久安九畿之制以五百里相次而推亦祇大概言之其實天下之遠非此可盡而聖人聲教所訖亦不止此特聖人之世但能各治其民各安其宇即無他求故蠻夷鎮蕃為名若此非如後世必強以相服而不修實政反多外虞也

凡令賦以地與民制之上地食者參之二其民可用

者家三人中地食者半其民可用者二家五人下地

食者參之一其民可用者家二人

賦兵也以地之美惡人之眾寡而制兵上地肥美田也食者參之二田百畝萊五十畝參分而休其一分只以二百畝計之為家七人可用為兵者三人中下地以此而差按小司徒均土地稽人民周

周官恆解 卷四 夏官 三 西充鮮于氏特園藏

知其可任之數凡起徒役無過家一人以其餘為羨此言可用者家三人云云者蓋家止一人為正兵而其餘為羨卒此云三人二人亦大概言之也平日訓練人不嫌其多臨時出軍則家不過一人耳

中春教振旅司馬以旗致民平列陳如戰之陳辨鼓

鐸鐸鐸之用王執路鼓諸侯執賁鼓軍將執晉鼓師

帥執提旅帥執鞀卒長執鐃兩司馬執鐸公司馬執

鐸以教坐作進退疾徐疏數之節遂以蒐田有司表

貉誓民鼓遂圍禁火弊獻禽以祭社

鐸直角反鐃乃交反賁扶云反

提徒兮反鞀鼓兮反數疏屋反又所學反蒐師優反莫莫駕反弊平世反此言四時教閱之法凡師出曰治兵入曰振旅中春農事將興因蒐而教以戰兵以鼓進以金退於

田時即以戰法教之以鼓令眾提亦小鼓可提之
以擊故名按王與諸侯執路鼓賁鼓未必親執特
在軍以是爲等自有執而擊之者至軍將以下則
自執之教坐作進退疾徐疏數之節習戰法也蒐
搜也恐害苗之物藉畱田間而驅除之也表貉立
表而貉祭也舊民誓之以遵法令於時以鼓聲之
圍獵也禁禁侵擾也火以火焚
萊弊止也獻禽祭社以祈年

中夏教茭舍如振旅之陳羣吏撰車徒讀書契辨號
名之用帥以門名縣鄙各以其名家以號名鄉以州
名野以邑名百官各象其事以辨軍之夜事其他皆
如振旅遂以苗田如蒐之灋車弊獻禽以享祐

撰息轉反
禘除若反

行軍有書事必有夜事夜事重防守故於夏田習
之夏月炎暑日間田事從畧惟夜事爲宜故教民

周官恆解

卷四 夏官

四

氏特國藏

結草爲舍以象軍行野宿而其事則選擇車徒也
校讀軍實之書也辨號名之用如下文所云也帥
以門名者備非常莫要於門帥以門名孤卿爲主
帥則以門名之一帥所統之軍其地其人不一縣
鄙由六遂來者家由采地來者即師都也鄉由六
鄉來者即州里也野由公邑來者也官府者孤卿
大夫士之總稱孤卿旣爲主帥則百官大夫士也
縣鄙各以其名如云某遂某縣某鄙也鄉以州名
如云某鄉某州某黨也野以邑名若魯則武城汶
上之類家以號名如孟孫叔孫氏之類百官各象
其事所司各有其事皆於書契辨之無事各安其
部伍有事則呼其名號有倡必和可戮力同心矣
不言王與諸侯號名之所不及也夏田曰苗除
禽獸之害苗者也車驅獸之車宗廟之夏祭

中秋教治兵如振旅之陳辨旗物之用王載大常諸
侯載旂軍吏載旗師都載旛鄉遂載物郊野載旐百
官載旟各書其事與其號焉其他皆如振旅遂以獮

田如蒐田之灋羅弊致禽以祀祊

書如字獮息
淺反祊音方

賈氏公彥曰出日治兵入口振旅春以入兵爲名
尙農事秋以出兵爲名尙嚴威也此旗物之用與
司常職大閱頒旗物不同者大閱之旗物正法也
此治兵之旗物變法也旗物變則軍心新而氣益
壯軍吏即司常云孤卿也爵則孤卿主帥則曰軍
吏百官即司常云大夫士也爵曰大夫士從王有
事而不與圍禁則曰百官師都車徒自公孤卿大
夫之采地來者彼云州里即此之鄉縣鄙即此之
遂郊外曰野故連言郊鄉遂郊野車徒之從鄉遂
公邑來者凡此皆分隸於六軍之軍吏故載旟載
物載旐也百官雖不與圍禁必有所載以爲別獮
殺也秋田爲殺中殺者多羅網也祊祭四方之神
以報成功

中冬教大閱前期羣吏戒眾庶修戰灋虞人萊所田
之野爲表百步則一爲三表又五十步爲一表田之

周官恆解

卷四 夏官

五

氏特國藏

日司馬建旗于後表之中羣吏以旗物鼓鐸鐃各
帥其民而致質明弊旗誅後至者

中冬稼穡事畢乃可大閱而行戰陣之法前此固
未卽如軍法也萊田野除草萊以便馳驅於可陣
之處中央立四表軍至表則問一而坐坐而更起
蓋以表正行列致致之於司馬質正也弊什也軍
法後期者斬而此方致
民則未遽以死處之也

乃陳車徒如戰之陳皆坐羣吏聽誓于陳前斬牲以
左右徇陳曰不用命者斬之中軍以鼙令鼓鼓人皆
三鼓司馬振鐸羣吏作旗車徒皆作鼓行鳴鐃車徒
皆行及表乃止三鼓攬鐸羣吏弊旗車徒皆坐

如字攬音鹿
又音蒲表反

陳車徒於陣後皆坐以聽誓羣吏則聽誓於陳前
誓之者士師斬牲者小子也王自田則王爲中軍
而孤卿將其五王不與則中軍亦孤卿爲之以輦
令鼓令六軍鼓也皆三鼓六軍皆然振鐸以作眾
伍起也既起古人擊鼓以行之五長鳴鐸以節之
伍長一日公司馬表每軍各立四表師都鄉遂公
邑諸師各師其屬分隸六軍分班鱗次而進及表
由後表至二表也及表而止鼓人三鼓司馬掩鐸
羣吏皆掩旗於是車徒之止者
皆坐此象陣初發面敵時也

又三鼓振鐸作旗車徒皆作鼓進鳴鐸車驟徒趨及
表乃止坐作如初乃鼓車馳徒走及表乃止鼓戒三
闕車三發徒三刺乃鼓退鳴鐸且卻及表乃止坐作
如初闕苦穴反刺干
如初闕反卻起畧反

又從二表至第三表鼓鐸作皆如前而車徒則且
驟且趨以象速於赴敵之狀及表至第三表也從

周官恆解

卷四 夏官

六

氏特圓藏

第三表至第四表乃鼓不復坐矣車馳徒走以象
薄城對敵鼓戒疾鼓以象催戰凡三闕每一闕車
發一次徒刺一次三闕三次以象戰勝敵乃鼓退
鼓之使眾齊退免參差三不齊鐸以止鼓且卻軍吏
及士卒迴身向北更從南四表至北之第一表而
止其坐作之法皆如初按軍還至第一表則皆坐
矣而云作者該下
狩田之事而言

遂以狩田以旌爲左右和之門羣吏各帥其車徒以
敘和出左右陳車徒有司平之旗居卒間以分地前
後有屯百步有司巡其前後險野人爲主易野車爲

主易俞

寄反

冬田曰狩軍門曰和取師克在和之義立兩旌以
爲門羣吏各帥其車徒以次敘由和自左自右而
出既出門而趨圍地左右陳車徒有司平其行列
旗居卒間每百人爲一卒植旗其間以分所占之

地必廣狹如一禁地之前後各有屯百步以待田
畢屯車徒而後各獻其所獲也巡其前後謂巡其
行陣使不素險野人爲主謂列陣用徒而以車承
其闕易野車爲主謂列陣用車而以徒承其闕也
旣陳乃設驅逆之車有司表貉于陳前中軍以鼗令
鼓鼓人皆三鼓羣司馬振鐸車徒皆作遂鼓行徒銜
枚而進大獸公之小禽私之獲者取左耳

旣陳成行列也驅驅而出之逆迎而邀之設此車
者田僕也旣設有司卽爲表貉之祭於陳前羣司
馬六軍司馬併六軍而趨圍禁眾鐸齊鳴也銜枚
止喧嘩也公之輪于公私之自取詩曰言私其縱
獻豸于公是也獲謂得禽者取左耳田畢
以此爲驗將以論功如軍法之執轂也

及所弊鼓皆駢車徒皆譟徒乃弊致禽饁獸于郊入

獻禽以享烝
譟素報反儲移獵反

周官恆解

卷四 夏官

七

氏特圓藏

所弊所當止處駢鼓聲疾而洪譟譟呼象赴敵而
喜也徒乃弊終事而止也致禽各致其所得之禽
饁獸于郊烝所獲禽以祭四方之神於郊入又以
獻宗廟烝冬祭也四時皆田而冬時農功已畢故
大閱之法尤詳取禽亦較多李氏曰兵者不祥之
器若無故而習之是習殺人也非示天下不復用
兵之意故於四時田獵而習焉鳥獸魚鼈皆含血
氣若無故而殺之是暴天物也故因祀烝嘗而
行焉明非好兵也爲田獵也非好田獵也爲祭祀
也外以盡事神之禮內以修不虞之備聖人之動
其慎如此

及師大合軍以行禁令以救無辜伐有罪若大師則
掌其戒令泣大卜帥執事泣釁主及軍器及致建大
常比軍眾誅後至者及戰巡陳旤事而賞罰若師有
功則左執律右秉鉞以先愷樂獻于社若師不功則

厭而奉主車王弔勞士庶子則相比必里反鍼音越

反勞力報反相息亮反

上文言田此及師則出師也大合軍司馬奉王命以行征討大師則王親征也禁令戒令一也司馬專之則言禁奉王命行則言戒治臨也大卜卜出兵吉凶主遷廟之主及社主軍器鼓鐸之屬凡師既受甲迎主於廟及社主視奉以從殺牲以血塗主及軍器皆神之致聚眾也王親征則以王之常致眾王不親則司馬自用大旗致之比較次之也事戰功功勝也律聽軍聲鉦示威武豐樂得勝之樂獻于社獻功于社厥伏冠也五服之冠皆厭以喪冠奉主歸於廟與社士庶子有死傷者王親弔之勞之大司馬相王其上於士庶子者不待言矣所以獎忠勤而慰勤之也

大役與慮事屬其植受其要以待攷而賞誅大會同則帥士庶子而掌其政令若大射則合諸侯之六耦

周官恆解

卷四 夏官

八

西充鮮于氏特國藏

大祭祀饗食羞牲魚授其祭大喪平士大夫喪祭奉

詔馬牲

與音預屬音燭植除吏反

大役築城邑也慮事者封人而司馬與之植築城板幹屬賦丈尺與其所用人數要簿書攷攷校其功也會同則帥士庶子以從王大射將祭王射於澤宮以選賢諸侯兼畿內外而言六耦以六爲耦若不足當以卿大夫足之王祭祀饗食則進其魚牲以祭平者正其職與其位喪祭遣奠也奉送也告而藏之

小司馬之職掌

鄭康成曰此文闕漢興求之不得遂無識其數者御案以諸官例之所掌必論辨官材也國子選俊並升於司馬司士治之庶子之修業於鄉學者諸子治之而大司馬職不及論辨官材則小司馬專之必矣

凡小祭祀會同饗射師田喪紀掌其事如大司馬之灋

賈氏公彥曰小祭祀以下至喪紀皆蒙此小字對大司馬大祭祀之類

軍司馬

輿司馬

行司馬

以上三職皆軍中所任臨時授職無專官軍司馬蓋主勝負賞罰者輿司馬蓋主僕御馳驟賞罰者行司馬蓋掌各軍行列賞罰者然其文不可考矣

司勳掌六鄉賞地之灋以等其功王功曰勳國功曰功民功曰庸事功曰勞治功曰力戰功曰多

周官恆解

卷四 夏官

九

西充鮮于氏特國藏

鄭康成曰賞地賞田也在遠郊之內屬六鄉焉等猶差也以功大小爲差王功輔成王業天下蒙福君臣同享其利故曰勳也國功有益於國忠勤著故曰功也民功有益於民民可常行而食其利故曰庸也事功任事克終而竭其才力故曰勞也治功治不治以歸於治宣力善成故曰力也戰功非所常用然能克敵制勝亦不可多也要而言之皆可通用

凡有功者銘書于王之大常祭于大烝司勳詔之大功司勳藏其貳掌賞地之政令凡賞無常輕重眡功

凡頒賞地參之一食惟加田無國正正音征

銘之言名也生則識其功書於王旌死則於烝祭先王時從享詔詔司常書之貳副也政令謂役賦賞地在六鄉之內其民亦從鄉之徭賦參之一食王食其一二全入於臣加田加恩所賜之田全給之而不稅優厚之也

馬質掌質馬馬量三物一曰戎馬二曰田馬三曰駑馬皆有物買綱惡馬凡受馬于有司者書其齒毛與其買馬死則旬之內更旬之外入馬耳以其物更其外否馬及行則以任齊其行若有馬訟則聽之禁原蠶者質如字量平聲買音嫁更音庚

質平其價也戎馬供戎事田馬供田獵駑馬供冗事皆量其材之美惡定其價之高下惡馬不調良者以索綱維之使馴服受馬以給官之役旬之內死或前所養者失職即不當受之而死則必用物謂以皮肉爲價入馬耳防欺偽也其外二十日以外非用者之罪也任載也均其輕重勞逸是齊其行也訟買賣及師田行役卒隸等相爭或官買不得其平或死傷當償而以過失相推者原再也既養馬又養蠶也蠶爲龍精蠶與馬同類物莫能周官恆解西充鮮于氏特圖藏卷四 頁官 十

兩犬禁原蠶者恐傷馬也

量人掌建國之灋以分國爲九州營國城郭營后宮量市朝道巷門渠造都邑亦如之營軍之壘舍量其市朝州涂軍社之所里邦國之地與天下之涂數皆書而藏之涂本又作塗

建立也九州肇自禹而後世畧有變更或舊屬彼而今屬此者故曰分國爲九州也凡建國大司徒制其域封人封其四疆而已城郭后宮市朝道巷門渠之細匠人營之而其式定於量人軍壁曰壘凡官吏相見之處皆曰朝師之所在有朝有市一軍所聚謂之州涂營中往來之道軍社軍中之社所里居也量市朝州涂之所居地有山川廣狹涂有支湊遠近書而藏之封國慶削巡行征役皆於

是乎攷之

凡祭祀饗賓制其從獻脯燔之數量掌喪祭奠龜之俎實凡宰祭與鬱人受罍歷而皆飲之龜昌緇反又昌銳反歷作雅反 灋灋古

從獻從於獻酒之肉炙也若特牲饋食禮主婦獻尸兄弟長以燔從是數多小量長短也據儀禮脯十脰各長尺二寸燔之數量無考竈穿墻之名遺奠包俎實以入于墻宰祭豕宰攝祭受舉罍之餘歷而皆飲之以受神福王親祭亦可知矣

小子掌祭祀羞羊肆羊殽肉豆而掌珎于社稷祈于五祀凡沈辜侯禳飾其牲釐邦器及軍器凡師田斬牲以左右徇陳祭祀贊羞受徹焉肆如字珎當爲羞肆陳骨體羊殽解節折也肉豆切肉也珎作弼王氏與之曰如小祝弼英兵祈福祥也小子掌解

周官恆解西充鮮于氏特圖藏卷四 頁官 十

牲體而凡有事弼於山川祈於五祀及沈辜等事皆飾其牲飾被以文繡沈祭川辜臨辜侯侯禳禳御禍也邦器禮樂之器及祭器斬牲以徇示犯誓必殺之也賈氏公彦曰贊羞謂大司馬羞牲魚之類則贊之受徹祭畢諸宰君婦廢徹之時則受之

羊人掌羊牲凡祭祀飾羔祭祀割羊牲登其首凡祈珎共其羊牲賓客共其灋羊凡沈辜侯禳釐積其其羊牲若牧人無牲則受布于司馬使其買買牲而共之積音漬從智反又精智反賈音價

正祭無用羔者詩曰獻羔祭非或薦新有之數登升也升首於室三牲之首俱升此特就羊人所掌言之耳共猶給也法羊養殽積膳之羊羊不一種共其如法者沈辜侯禳見上釐釐國器釐積釐而漬血布泉布

司燿掌行火之政令四時變國火以救時疾季春出

火民咸從之季秋內火民亦如之時則施火令凡祭

祀則祭燿凡國失火野焚萊則有刑罰焉內音納燿

鄭康成曰行猶用也變猶易也鄭氏眾曰春取榆

柳之火夏取棗杏之火夏取桑柘之火秋取柞

而青得東方之色棗杏心赤得南方之色柞柳先百木

理白得西方之色槐檀心黑得北方之色桑柘皮

裏皆黃得中央之色按人之性調變之精意也季春火

順天地之性以養人之性雖燦金焚燿可也時謂改火

星始見故使民出火雖燦金焚燿可也時謂改火

始伏故使民內火雖燦金焚燿可也時謂改火

及出內火之時令即改與出內之令祭燿祭先出

火之人凡祭祀必用燿故以

報之野焚萊非時擅用火也

掌固掌修城郭溝池樹渠之固頒其士庶子及其眾

周官恆解

卷四 夏官

三 西充鮮于氏特園藏

庶之守設其飾器分其財用均其稍食任其萬民用

其材器凡守者受灋焉以通守政有移甲與其役財

用唯是得通與國有司帥之以贊其不足者晝三巡

之夜亦如之夜三警以號戒警音戚杜七報

達於司馬使國中有司持符節以徵之他境是為

與國有司帥而贊之守戒鼓曰警取憂懼戚戚之

意三巡三警呼其名以戒其事掌固以此法授守

者非自為也御案公卿大夫之子家有田祿萬

民計口授田俸各守其地之阻固以自衛而財用

稍食國猶頒焉所以厚下而其效至於民忘其勞

民忘其死也民之衣食裁患纖悉皆君為之計而

民以材器給國事如於其家此國為所以固仁義

之利所以長也

若造都邑則治其固與其守灋凡國都之竟有溝樹

之固郊亦如之民皆有職焉若有山川則因之

都邑亦有城郭溝池國都竟上及郊皆有溝樹以

為固職謂守與任若有山川自然之險則因之以

戒守焉

司險掌九州之圖以周知其山林川澤之阻而達其

周官恆解

卷四 夏官

三 西充鮮于氏特園藏

道路設國之五溝五涂而樹之林以為阻固皆有守

禁而達其道路國有故則藩塞阻路而止行者以其

屬守之唯有節者達之

鄭康成曰周猶編也達道路山林之阻開鑿之川

澤之阻橋梁之五溝五涂遂溝洫會川五涂徑畛涂道

路也御案五溝五涂遂溝洫會川五涂徑畛涂道

設者井田溝涂之設一以盡地利一以為阻固故

必使司險與遂人共議其形勢之錯連水流之輸

委道路之支湊樹之林作藩落也有故兵寇司固

所掌城郭溝池樹渠之固其地廣故頒其守於眾

司險所掌皆要害故有故則以其屬守之節道路

所用之

旌節

掌疆闕

候人各掌其方之道治與其禁令以設候人若有方

治則帥而致于朝及歸送之于竟

道治道途當治之事禁令以備姦寇選士卒爲之方治四方有治政之事來此國者候人迎而帥之及歸送若春秋傳樂盈過周王使候人出諸轅轅亦其一事

環人掌致師察軍應環四方之故巡邦國搏謀賊訟

敵國揚軍旅降圍邑

降戶江反

環人環伺以察軍中之事與秋官環人不同致師鄭康成曰古者將戰先使勇力之士犯敵左傳楚許伯御樂伯攝叔爲右以致晉師軍慝民軍中爲奸者環四方之故環伺四面或有掩襲衝突之變巡邦國從王敵佩之邦國博執也謀賊敵國之奸細訟敵國往辨其曲直揚軍威以告敵使之畏服降卽理勢以諭敵使其降服皆不戰而屈人之師也蓋聖王之師期於止亂苟諭之而服不必定用人也以殘

周官恆解

卷四 夏官

圭

西充鮮于氏特園藏

挈壺氏掌挈壺以令軍井挈轡以令舍挈奮以令糧凡軍事縣壺以序聚樣凡喪縣壺以代哭者皆以水

火守之分以日夜及冬則以火爨鼎水而沸之而沃

之挈苦結反奮音本樣拆同

挈壺主定漏刻者古法不可考鄭康成據漢法以器盛四十八箭箭各百刻以壺盛水懸於箭上節而下之水淹一箭則爲一刻一箭當二氣倍二十四氣爲四十八刻也以令軍井軍中穿井挈壺懸其上使軍士望見知井所在轡以止舍於所當舍止之處轡轡使知當舍止處轡以盛糧懸壺使知當稟假之處省器譯而便趨事也夜則懸壺以爲漏以次序聚而擊柝以備守喪事未大斂懸壺以刻火以燭箭而考其遷易冬時水凍則以火爨鼎水使沸而後沃漏免凍滯也

射人掌國之三公孤卿大夫之位三公北面孤東面

卿大夫西面其摯三公執璧孤執皮帛卿執羔大夫

執鴈諸侯在朝則皆北面詔相其灋若有國事則掌

其戒令詔相其事掌其治達

亮反

位卽司士朝儀之位路門外治朝之位也此非射人專職而云掌其位者初命爲公孤卿大夫者射人導以見王故有摯其位以北面者爲尊東面者次之西面者又次之若有外諸侯來朝者亦北面法謂禮儀國事戎兵之事相相司馬也詔詔與其事者自上施下曰治自下達上曰達蓋古禮射以觀德無事則以選賢有事則以禦敵凡有位於朝無不習射者其比禮比樂威儀修飾皆見於射攻射人正朝位而得與戒令詔相之事舊說以爲祭事誤矣

以射灋治射儀王以六耦射三侯三獲三容樂以騶

周官恆解

卷四 夏官

圭

西充鮮于氏特園藏

虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射豝侯一獲一容樂以采繁五節二正

射法王射之禮其諸侯以下各自有官掌之射人但以法與之耳治謂肄之兩人爲耦以六耦者王射必有從王射者以六耦從王三侯虎熊豹也獲射中也容唱獲者所以蔽身亦曰乏三人各唱獲則各有容也騶虞狸首等皆詩篇名以此詩奏樂爲節射者容體既比於禮其節必比於樂乃爲如法正射射時也樂雖九節而以五節爲正射時也下仿此凡射大法皆然

若王大射則以狸步張三侯王射則令去侯立于後以矢行告卒令取矢祭侯則爲位與大史數射中佐

司馬治射正祭祀則贊射牲相孤卿大夫之灋儀數

主反中張仲反正
音政相息亮反

步量器如後世大量弓也刻狸於上故云狸步三
侯見上馬命量人量侯道然後射人等張之去
矢立後去侯所而立王後以矢行高下左右告
王下日留上日揚左右日方命令其屬也卒射畢
令射鳥者取矢祭侯服不氏主之爲位爲服不氏
受獻之位數射中數射者中侯之算射正射儀也
國語禘郊之事天子必自射其牲法
儀孤卿大夫從王射相其法儀也

會同朝覲作大夫介凡有爵者大師令有爵者乘王
之倅車有大賓客則作卿大夫從戒大史及大夫介
大喪與僕人遷尸作卿大夫掌事比其廬不敬者苛
罰之倅七內反
比毗志反

周官恆解 卷四 夏官 夫 西充鮮于氏特園藏

作選使之也大夫爲上介命士以上爲眾介倅車
戎車之副王出征乘戎路副車十二乘使命士以
上乘之不敢虛位故也大史及大夫之介戒其當
行者僕人大僕也遷尸始死於北廬下遷尸於南
廬小斂於戶內小斂訖遷尸於戶外大斂於阼階
大斂訖遷尸於西階以入棺掌事王喪宜各有職
掌比其廬若宮正所云親者貴者居廬
當比其本服親疏及貴賤苛謂詰問之

服不氏掌養猛獸而教擾之凡祭祀其猛獸賓客之
事則抗皮射則贊張侯以旌居乏而待獲 擣日杳反
抗苦浪反

又古 擣馴服之中膳羞者則共之抗舉也聘禮行享禮
者皮弊布于庭有司舉皮以東大射禮量人巾車
張三侯服不氏贊之唱獲者居於
乏中則舉旌以宮偃旌以商

射鳥氏掌射鳥祭祀以弓矢毆鳥爲凡賓客會同軍

旅亦如之射則取矢矢在侯高則以并夾取之射常
亦反

歐音區并卑
盈反夾音甲

鄭康成曰鳥謂中膳羞者鳧雁鵠鵒之屬鳥爲喜
妙盜便汗人取矢而矢在侯高人手不能及則以
并夾取之并夾夾兩
片而合以取物者

羅氏掌羅鳥鳥蜡則作羅襦仲春羅春鳥獻鳩以養
國老行羽物

鳥凡可供膳羞者皆是作襦當爲縞細密之羅
也蜡時射既祭獸可作羅以取禽仲春鷹化爲鳩
易舊而新故獻春鳥以養國老助生生之
氣行頒賜也頒羽物自此順生氣而不殺

掌畜掌養鳥而阜蕃教擾之祭祀共卵鳥歲時貢鳥
物其膳獻之鳥 畜許六反
又許又反

周官恆解 卷四 夏官 七 西充鮮于氏特園藏

養鳥所貢鳥物養之以備用阜盛蕃蕃息如鷩鷩
之屬卵鳥鳥卵而益肥實也鳥物可適於用者膳
獻之鳥雉
鷩之屬

司士掌羣臣之版以治其政令歲登下其損益之數
辨其年歲與其貴賤周知邦國都家縣鄙之數卿大
夫士庶子之數以詔王治以德詔爵以功詔祿以能
詔事以久奠食惟賜無常 奠音定
又如字

羣臣大臣而下畿內朝廷及鄉遂都鄙之臣版名
籍損益不特功過黜陟或事劇而益其員事少而
損於其舊辨其年歲而後用之得其任知其貴賤
使之然後不差卿大夫士庶子在朝及朝外人眾
亦記其數而詔王以行政令爵祿本相緣也但有
德者不榮祿養故以爵尊之有功則成其功之大
小以爲祿有能者因其所能以授之事乃易稱職
食稍食奠定也久祿食有常數惟賜則加恩無常

數

正朝儀之位辨其貴賤之等王南鄉三公北面東上

孤東面北上卿大夫西面北上王族故士虎士在路

門之右南面東上大僕大右大僕從者在路門之左

南面西上

鄉許亮反大音泰又如字從才用反

位路門治朝之位南鄉鄉明而治也三公位尊故面向王孤佑王者故在王之右卿大夫佐王者故在王之左王族故士王之族與親故之爲士者虎士虎賁侍衛之士大右司右也大僕從者小臣祭僕御僕隸僕其南面者王出則目送王王入則面向王蓋以擁衛立於兩旁而少後御案士之位東面者從孤西面者從卿大夫皆在其下而稍退卿蓋卽以孤卿大夫統之下云士旁三揖則兩旁皆見矣

周官恆解

卷四 夏官

大

西充鮮于氏特園藏

司士擯孤卿特揖大夫以其等旅揖士旁三揖王還

揖門左揖門右大僕前王入內朝皆退擯音旋

擯相王揖其臣下之禮特揖一一揖旅衆也大夫爵同者眾揖之等大夫有上中下也三揖者士有上中下士御案不見士位以朝士職有明文在孤卿大夫後也孤卿大夫既分東西故每旁皆三揖還視朝畢而還御案門左揖大僕大右羣僕門右揖王族故士虎士此數官之位通介路門左右王始出未揖公卿不得先揖卑者故還入門而後揖之大僕前引導王入也內朝在路門內皆退各反其官府治處

掌國中之士治凡其戒令掌擯士者膳其摯凡祭祀

掌士之戒令詔相其灋事及賜爵呼昭穆而進之帥

其屬而割牲羞俎豆凡會同作士從賓客亦如之作

士適四方使爲介大喪作士掌事作六軍之士執披凡士之有守者令哭無去守國有故則致士而殯其守凡邦國三歲則稽士任而進退其爵祿

國中城中國中之士升於司馬者也擯士初見於王之士膳其摯以其摯入於膳人所以優之也士之戒令上中下士也凡祭祀之戒令卿大夫則射人相之司士惟相士之法儀及神惠逮下賜爵時則呼昭穆而進之使長幼有序牲與俎豆卽賜爵時之呼昭穆而進之也會同作其可以從王者適四方使以王命適四方爲介爲大夫介聘禮大夫爲次介其餘皆士介事奠斂之屬披以帛爲之一頭繫於轡後戴一頭於帷外人牽之若登高則引前適下則引後敬左則引右敬右則引左御案束棺於輅輅車者曰束繫輅與柳材而結之者曰戴貫結於輅輅而出之於外人居旁牽之者曰披車之轅前兩端而人引之者曰引引卽綈也引道曰引屬於

周官恆解

卷四 夏官

充

西充鮮于氏特園藏

輅車者也在棺曰綈說輅車而但屬於棺執棺者在執引者之外六軍之士卽六鄉之民以其鄉出一軍天子執披千人出自六鄉故號六軍之士非謂執披有七萬五千人也有故喪與兵災御案國有大事王宮之士庶子則宮伯作之國子則諸子帥而致之太子羣士則司士致而殯其守鄉邑之士庶子則掌固頌其守國之守政士無不與焉以其識義理而爲民之倡且未仕而已教以與國同憂也凡邦國之士司士作法與之使三歲稽其任而進退其爵祿國中不待言矣御案司馬論辨官材其事於此職見之國子俊選並升於司馬論辨馬論其賢者以告於王故司士擯焉而膳其摯也詔爵祿祿詔事卽所謂論定後官任官後爵位定後祿之也蓋地官師氏保氏卿大夫州長之屬春官大司樂樂正之屬第敎士以德行道義其敏純文質不齊必司馬論辨官材然後相其宜而各得辨之惡從得其實哉故設諸子之官凡國子之學於成均虎門國子之倅修業於鄉學者國有大事